

靈寶領教濟度金書卷之一百七十九

洞微高士開光教普真人等金具授

靈寶通玄弘教水南先生林靈真編

科儀立成品自然齊用

早朝行道儀

燒香頌

各禮師存念如法

宣衛靈呪

青陽虛映 耀日回靈 神虎辟邪 飛天流鈴
摧姦滅試 萬魔東形 九微回道 八威攝精
千真校錄 三元蕩清 左肅中黃 右策六丁
七轉八合 周旋天經 聖化巍巍 三道順行
慶雲流布 合景黃庭 與道合真

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者侍香
金童傳言玉女五帝直符直日香官各三十
二人出出者嚴裝關啓玄壇天帝神君當召
此間土地里域真官正神急上關啓臣今早

朝燒香行道奉為入壽意其諸情悃具載誠
勝願得

玉清道炁靈寶妙光下降流入臣等身中令
臣所啓速達徑御

太上无極大道無形無名虛无自然金闕玉
陛下

請稱法位

具位奉行靈寶自然大濟法事小兆臣某與
臨壇官眾等謹同誠上啓

太上无極大道虛無自然元始天尊太上玉
晨大道君金闕後聖玄元老君高上玉皇十
方靈寶天尊十方已得道大聖眾至真諸君
丈人三十二天帝君東華南極西靈北真上
宰上相上保上傳日月星宿北斗南辰周天
真宰十方无極无量品至真大神飛天神王
長生大聖无量度人君妙行真人天真皇人
玄中大法師靈寶玄一經籍度師侍經五帝
玉童玉女威德尊神土地主執三界應感一
切真靈臣聞齋極開張祖炁判玄黃之運鴻
鈞索為玄樞幹經緯之衡宰制三靈陶鑄萬

類自清微之御運顯赤明之開圖資始資生
太極混茫於象外職覆載元網流演於寰
中妙哉化育之仁大矣生成之德臣等并蛙
自笑鰓鮒堪矜際聖日之流輝幸道風之遐
扇九光寶笈負荷身修八會琅函勤拳心奉
分盡棲神於林壑尚猶混跡於樊籠惟投道
之初盟度人是切况好生之終惠宣化宜堅
凡有皈投理宜關奏况奉詞旨敢不上聞

宣詞

按如詞言衷情殫恪臣聞凝真金闕九霄靜
照於神風應化玉京十極羅敷於法雨溥七
部慈悲之教立三乘懺謝之階普沐群靈滋
濡庶品今齊主某馳神碧落注想玄虛奉龍
璧以告齊質鳳縉而列款觀徵洪澤雲收萬
罪以清夷庶達升悅日麗千祥而赫奕仰元
功之不宰極神化以無方周流六虛包羅萬
象以今清且行道請法眾等運茲初檢上香
願此香煙騰空徑上供養
无上至真道寶臣等皈身皈神皈命首體投
地仰依

太上三尊願以是功德上祝

社稷尊靈宗祧先聖濟神三素汎景九清克

昌風曆於天長密祐龜圖於地大

皇帝壽摩嵩華福邁滄溟體道垂衣頒朔極

梯航之遠憲天御運提封昭文軌之同祀甘

露於金盤耀慶雲於霄漢六宮柔穆百辟忠

良龍樓問寢而視膳三朝麟閣書勳而宣威

萬里克扶宸極共贊皇猷今故燒香自皈依

師尊大聖眾至真之德得道之後升入無形

和與道合真

以今清旦陞壇行道請法眾等運茲三檢上

香

願此香煙騰空徑上供養

无上至真經寶巨等皈身皈神皈命首體投

地仰依

太上三尊願以是功德奉祝齋主并億曾萬

祖過往靈儀一性圓通萬緣澄寂游宴琳房

而悟道道運瓊圓以樓真齋主并丹簡增齡

青編定祿崑山玉潤生根永固於三花合浦

珠明玄谷益朝於五炁日新萬善風敷千殃

外戚中姻紀東華之生籍新殿宿垢削北鬱

之刑書壹天之松栢貞堅福地之芝蘭秀發

今故燒香自皈依

師尊大聖眾至真之德得道之後升入無形

和與道合真

以今清旦行道請法眾等運茲三檢上香

願此香煙騰空徑上供養

无上至真師寶巨等皈身皈神皈命首體投

地仰依

太上三尊願以是功德皈流普天率土塞外

案中動植飛潛无邊含識仁風丕冒化雨涵

濡乾坤昭休徵之符河洛顯神文之瑞桑麻

萬里朝宗共樂於堯天兵越一家拱極齊歡

於舜日雲飛川泳春育海涵超生生化化之

機造有有无无之妙巨等同學師友在俗親

緣俱藉慈光茂凝景福六度萬行早圓定慧

之功八景四時永滅凶災之兆旁資地趣俱

沐天光今故燒香自皈依

師尊大聖眾至真之德得道之後升入無形

和與道合真

禮方 儀方

三啓

樂法以為妻 愛經如珠玉 持戒制六情

念道違所欲 澹泊正氣停 蕭然神靜默

天魔並敬護 世世享大福

又

鬱鬱家國威 濟濟經道典 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

巨等志心稽首禮

太上无極大道

巨等志心稽首禮

三十六部尊經

巨等志心稽首禮

玄中大法師

重稱法位

具位奉行靈寶自然大齋法事小兆且其與臨壇官衆等謹同誠上啓

太上元極大道虛無自然元始天尊太上玉晨大道君金闕後聖玄元老君高上玉皇十方靈寶天尊十方已得道大聖衆至真諸君丈人三十二天帝君東華南極西靈比真上宰上相上保上傳日月星宿北斗南辰周天真宰十方元極无量品至真大神飛天神王長生大聖无量度人君妙行真人天真皇人玄中大法師靈寶玄一經籍度師侍經五帝玉童玉女威德尊神土地主執三界應感一切真靈巨聞五篇鬱秀赤書御世以開光三洞煥明紫極統天而育物提挈造化幹運樞機上而冲漠虛无炁羅分於五億下而網維潤澤域廣布於三千總屬權輿悉由主宰况備五行之秀允為萬物之靈理合尊崇事宜修奉齋主其夙宵注念寢食與思慮貞陰抱陽精粹易離於四大薰天履地憲章或冒於三元祖玄之注訟未消身命之災凶易致是

以皈神丹養稽首玄壇謝既往之愆尤希方來之福祉深心練行既遵懺謝之科質信達誠自有和同之妙伏願紫宸錫羨皇極流光青華增玉曆之餘德音雷動丹闕注金編之字惠澤雲滋壽域天開福基地闢六姻三族

熙熙共樂於春臺七祖九玄寂寂永超於夜壑休祥允萃妖害潛藏上願高厚清寧儀璘煥耀瑤圖鞏固金鏡光輝家有詩書俗享泰和之治物無疵癘時登大有之年黎庶安恬寢瀛靜晏絕三邊之烽燧聆萬國之謳歌九趣三塗同證超凌之地四生六道永全化育之天早入慧源克成仙道則上明天尊大慈之化下副齋主皈命之誠謹啓以聞

發願

一念為道四大合德齋主七世父母免墮憂苦上升天堂衣食自然
二念帝王國主道化興隆庠序濟濟皇教恢宏威儀翼翼普天所瞻民稱太平四夷賓伏妖惡自滅聖賢日生

三念法師功德大建教化明達俱獲飛仙
四念同志學人早得仙道更相開度
五念九親和睦好尚仁義貴道賤財行為物範

得其所

六念損己布施道士及飢寒者天下人民各得其所
七念蠕動踐行一切衆生咸蒙成就
八念救貧前生今世罪對立功補過
九念家門隆盛宗廟有人世生賢才
十念尊受經師不敢中怠平等一心廣度一切冠履上仙白日登天拜見太上永成真
人雲車羽駕和與道合真

復爐

香官使者左右龍虎君侍香諸靈官當今巨早朝行道之所自然生金液丹碧芝英百靈衆真交會在此香火爐前今巨學道得道求仙得仙齋主受福幽顯沾恩十方仙童玉女侍衛香煙傳巨向來所啓之誠速達徑御太上元極大道無形無名虛無自然金闕玉陛下

出堂頌
回師

靈寶領教濟度金書卷之一百七十九

靈寶領教濟度金書卷之一百八十

洞微高士開光啟苦真人審金具授

靈寶通玄弘教水南先生林靈其編

科儀立成品白然

齋用

午朝行道儀

燒香頌

各禮師存念如法

宣衛靈呪

丹靈朱火炎霞激風赤輪剛運天光八衝

迸威巴羅交變萬方流金豁落羣魔滅蹤

辟奸破妖明耀元功金符召制躡雲策龍

謠歌慶會散花太空神化明運四極安隆

伏御帝前罔有不恭

鳴法鼓二十四通

發爐

無上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今午朝燒香行道

奉為宣意其諸情悃具載紙牒願得

太上十方至真道炁靈寶瑞光下降流入臣

等身中令臣所啓之誠速達徑御

太上元極大道

三清上聖

昊天玉皇上帝御前

請稱法位

具位奉行靈寶自然大齋法事小兆臣某與

臨壇官眾等謹同誠上啓

太上元極大道虛元自然元始天尊太上玉

晨大道君金闕後聖玄元老君高上玉皇十

方靈寶天尊十方已得道大聖眾至真諸君

丈人三十二天帝君東華南極西靈北真上

宰上相上保上傳日月星宿北斗南辰周天

真宰十方元極无量品至真大神飛天神王

長生大聖无量度人君妙行真人天真皇人

玄中大法師靈寶玄一經籍度師侍經五帝

玉童玉女歲德尊神土地主執三界應感一

切真靈臣聞碧落空歌混景示函三之妙紫

虛鬱秀回靈尊帝一之奇開圖保制於龍文